



MINISTERIET FOR BØRN, LIGESTILLING,
INTEGRATION OG SOCIALE FORHOLD

Meeqqanut, Naligiissitaanermut, Akuliutitaanermut Isumaginninnermullu

INATSIITIGUT ATAATAQANNGITSUT
PISINNAATITAAFFEQALISSASUT

INATSIITIGUT ATAATAQANGITSUT PISINNAATITAAFFII PILLUGIT PAASISSUTISSAT

Inatsisikkut 1. juni 2014-mi atuutilersussakkut inatsisitigut ataataqanngitsut ataataqarneranut kingornussisussaanerannullu il.il. tunngasunik meeqqatut allatulli aappariinnerup avataatigut inunngorsimasut assigalugit pisinnaatitaaffeqalissapput.

Kalaallit Nunaanni inunngorsimaguit, ataataavillu kiunera ulloq-manna tikillugu paasiniarnissaanut pisinnaatitaaffeqarsimangikkuit, taava”inatsisitigut ataataqanngitsutut” isigineqassaatit:

- 1. juni 1963-ip siorngagut Kalaallit Nunaanni inunngorsimaguit, imaluunniit Avannaani Tunumiluunniit 1. juni 1974-ip siorngagut inunngorsimaguit, inunngoravillu anaanat ataatallu katissimasimangippata.

- 1. juni 1963-mi imaluunniit tamatuma kingornatigut Kalaallit Nunaanni inunngorsimaguit, imaluunniit Avannaani Tunumiluunniit 1. juni 1974-ip siorngagut inunngorsimaguit, inunngoravillu anaanat ataatallu katissimasimangippata, ataatassarsiuinerlu eqqartuussivimmi aalajangerneqarmat angut angutilluunniit akilersuisussaasutut eqqartuunneqarsimappata.

Inatsit nutaaq tunngavigalugu illit inatsisitigut ataataqanngitsutut makku pisinnaatitaaffigilissa-vatit:

- Ataatavit kiunera qulakkeerumallugu ataatassarsiuisoqarnissaanik piumasaqarsinnaavutit.
- Ataatat kiusoq paasigukku ataatannit taassumalu ilaqutaanit kingornussisussanngussaatit.
- Ataataatut kinguliaquteqalersinnaavutit.

Inatsisitigut ataataqanngitsumut anaanaaguit aamma illit ataatassarsiuisoqassasoq piumasarisinnaavat, paninnut erninnulluunniit kina ataataanersoq qulakkeerumallugu.

Inatsisitigut ataataqanngitsut toqkukut qimagussimappat taassuma pigisai pillugit suliaqartup ataatassarsiuineq aallartissinnaavaa. Taamatuttaaq inatsisitigut ataataqanngitsup arnaa toqkukut qimagussimappat taassuma pigisai pillugit suliaqartup ataatassarsiuineq aallartissinnaavaa.

Inatsisitigut ataataqanngitsut pillugit inatsit sukumiisumik sm.dk-mi paasiniarsinnaavat. Ujarlerfissami ”Arbejdsområder”-mi ”Familiere” toqqaruk. Tulliullugu toqqassavat ”Juridisk faderløse”.

ILITERSUUT

Ataatassarsuineq qanoq aallartinneqarsinnaava?

Kiap suliarissavaa?

Kalaallit Nunaanni najugaqaruut ataataassarsuineramik suliaasaq najukkanni eqqartuussiviup sulia-rissavaa.

Ataatassarsuinermut suliaasangortitsinermi kina ataatagisimasinnaanerlugu paaseqqaartaria-qanngilat.

Kalaallit Nunaanni najugaqanngikkuit ataataassarsuineramik suliaq eqqartuussivimmi suliarine-qassaaq, illit pasitsaassat tunngavigalugu ataataagigunakkavit illoqarfiani. Angut taanna toqusi-mappat suliaq suliarineqassaaq pigisai pillugit eqqartuussivimmi suliarineqarfiani. Kina ataataga-lugu nalugukku imaluunniit sumi najugaqarnera nalugukku suliaq Eqqartuussisoqarfiup Sermersuup suliarissavaa.

Ataatassarsuineq aalajangiiffigineqareersimappat angullu angutilluunniit akilersuisussaasutut eqqartuunneqarlutit – kisianni taakkua arlaannaalluunniit ilinnut ataataangitsutut eqqartuunne-qanngippata – taava ataataassarsuineq eqqartuussivimmi suliap aalajangerneqarfiani suliarineqassaaq.

Kalaallit Nunaanni eqqartuussiveqarfiit il.il. sumiiffii nittartakkami domstol.gl-mi nassaarisinnaavatit. Nittartagaq ”kontaktinformation” toqqaruk.

Qanoq ilioruit ataataassarsuineq aallartissinnaaviuk?

Eqqartuussivimmut suliap suliarineqarfissaanut allagaqarlutit ataataassarsuisoqassasoq piumasa-risinnaavat (oqaaseqatigiit kingulliit siulii takukkit).

Atitit, maanna najukkat inuttullu normut imaluunniit ulloq inungorfiit eqqartuussivimmut tunniutissavatit.

Aamma sumi inunngorsimanagerit anaavillu atii tamaasa, maannalu najugaa, inuttut normua imaluunniit ulloq inunngorfia nunalu inunngorfia ilannguttuugukkit eqqartuussivimmi sulisunut iluaqutaassaaq.

Isumaqaruut nalunagu kina ataatagalugu imaluunniit ataatatut isigalugu eqqartuussivimmullu nalunaarutigalugit, taava tamanna ataataassarsuinerup suliarineqarneranut pisariillisaataassaaq, ajornangippat ataataassutsip uppersarneratigit, soorlu allagaatinik uppersaatinik, allakkanik il.il. Ataatagisimasinnaasannut paasissutissat sulluunniit pingaaruteqarsinnaapput.

Ataatassarsuineq eqqartuussiviup qanoq suliarisarpaa?

Ataatassarsuineramik suliaq eqqartuussiviup suliaasaraa, paasissutissallu pinngitsoorneqarsinnaangitsut paasinierneqassapput angut ilinnut ataataasoq nassaariumallugu.

Suliamut atatillugu eqqartuussivik inunnik suliamut attuumassuteqarluinnartunik ilisimannittu-

nillu killisiuisinnaavoq, eqqartuussiviullu inuit suliamut attuumassuteqarluinnartut noqqa-avigi-sinnaavai nakorsamit eqqartuussivimmit piginnaaniligaasumit misissorneqaqqullugit (DNA-test). Pineqartut tassaapput illit, anaanat angullu ataatagisinnaasat suliamut attuumassu-

tilik. Eqqar-tuussivik paasissutissanik pisorta qarfinneersunik pissarsiniarsinnaavoq, soorlu illit inungorninnut atatillugu uppersarsaatinik.

Ataatassarsiuineq ima aalajangerneqarsinnaavoq:

- Angut ilinnut ataataasorisoq ataataassutsi akuerisinnaavaa pappiaqqakkut atsiukkamigut, taannalu nammineerluni politiinut tunniutissavaa imaluunniit nammineerluni kredsdommerimik oqaloqateqarnermigut.
- Ataatassarsiuineq akuerineqassanngippat tamanna ajornanngippat eqqartuussutikkut aalajangerneqassaaq. Ataatassarsiuineq eqqartuussivikkut aalajangerneqarpat pisariaqarpoq ataataassutsip uppersarsarneqarnissaa.

Illit, anaanat aamma angut ataatagisinnaasat sinnerlusi eqqartuussivik inummik inatsisitigut ilinniarsimasumik suliamik ingerlatsisussamik piginnaaniliisinnaavoq.

Angut ataatagisinnaasimasat toqusimappammi?

Meeraq, anaanaq imaluunniit ataataasinnaasimasooq toqukkut qimagussimagaluarpataluunniit ataataassarsiuineq ingerlanneqarsinnaavoq. Taamaaliortoqassappat inuup sananeqaataanut tunngasut toqusimasumit tigusat misissuisorneqarsinnaapput. Kiisalu meeqqap inunngornerani uppersarsaatit ataataassuseq pillugu paasissutissaqaratarsinnaasut tunngaviginiarneqarsinnaapput.

Nalorngiguit

Ataatassarsiuinissat qanoq piumasarissallugu nalulerukku nunagisanni eqqartuussiviliarsinnaavutit imaluunniit Kalaallit Nunaanni Eqqartuussivik saaffigisinnaavat. Taakkua sumiiffi domstol.gl-mi nanisinnaavatit. Ujarlerfissami ”Kontaktinformation” toqqaruk.

Kingorngussisussaataaneq

Ataatannit kingorngussisinnaavunga?

Ataatassarsiuineq aalajangerneqarpat ataatannit taassumalu ilaqaatanit kingorngussisinnaavutit.

Taamalu malittarisassat nutaat naapertorlugit kingorngussisarneq pillugu inatsit naapertorlugit kingorngussisinnaavutit, siornatigut ataataassarsiuineq aalajangiiffiqareersimagaluarpalluunniit imaluunniit ataataassarsiuineq suliassanngorteqqikkaluarukkuluunniit.

Ataataga toqukkut qimaguppat kingorngussassat ilaannik kingorngussisinnaavunga?

Ataatat toqukkut qimagussimagaluarpalluunniit ataatannit taassumalu ilaqaatanit kingorngussisinnaavutit, eqqartuussivitsigut ataataassarsiuinerup nalaani toqusup pigisai suli aalajangiiffiqareersimannngippata imaluunniit ataataassarsiuineq aalajangiiffiqareersimannngorteqqikkaluarukkuluunniit.

Tamatumali nalaani kingorngussassat aalajangiiffiqareersimappata, malittarisassat nutaat naapertorlugit ataataassarsiuineq aalajangiiffiqareersooq tunngavigalugu kingorngussassat aalajangiiffiqareersimannngorteqqikkaluarukkuluunniit.

Kinguliaqut

Inuit aqqi pillugit inatsit Kalaallit Nunaanni atuuttoq tunngavigalugu angajoqqaat, aanaakkut aamma aanaqqiikkut kinguliaat kinguliaqutigineqarsinnaapput. Taama periarfissaqalissaatit ataatassarsiuineq aalajangerneqareerpat. Kinguliaqutitaarumalluni qinnuteqaat Kalaallit Nunaanni Naalagaaffiup Sinniisuanut nassiunneqassaaq.

Inatsisit

Inatsit taanna nutaaq tassaavoq meeqqat inatsiseqartitaanerit aamma kingornussisarneq pillugu Kalaallit Nunaanni inatsisit allangortinneqarnissaanik inatsit nr. 483, 22. maj 2014-meersoq.

Taama inatsisiliornikkut meeqqat inatsiseqartitaanerit pillugu Kalaallit Nunaanni inatsit nr. 197, 16. juni 1962-meersoq aamma kingornussisarneq pillugu Kalaallit Nunaanni inatsit nr. 154, 27. maj 1964-meersoq allangortinneqarput.

